



### ӨНЕРТАБЫС ӨГЕЙДІҢ КҮЙІН КЕШКЕН

5-БЕТ | МӘСЕЛЕ



### АШ АУЫЛҒА ҚАНДАЙ КӨМЕК БЕРДІ?

6-БЕТ | АҚТАҢДАҚТАР АҚИҚАТЫ



### ӘЙГІЛІ ӘНШІ ТАҒЗЫМЫ

8-БЕТ | МӘДЕНИЕТ



Ел жүрегі – елорда



№62 (4495) Сенбі 27 мамыр 2023 жыл




# ASTANA

ELORDA AQPARAT MEDIA HOLDINGI

РЕСПУБЛИКАЛЫҚ ҚОҒАМДЫҚ-САЯСИ ГАЗЕТ

A Q S H A M Y

1990 ЖЫЛҒЫ 13 ҚАЗАННАН БАСТАП ШЫҒАДЫ



## ДЕНСАУЛЫҚ ЖАЙЫ – ТЕЛЕФОНДА

«Damumed» қосымшасынан қандай медициналық қызмет түрі тегін екенін білуге болады.

Мобильді қосымшада міндетті әлеуметтік сақтандыру қорының пакеті мен тегін медициналық көмектің кепілдендірілген көлемі бөліміне кіретін функциялар қатары кеңейтілген. Енді науқас қосымшаға кіріп, мәртебесіне қарай қолжетімді қызмет түрлерін біле алады. Қосымшада көмекті қалай алуға болатыны және қандай шарттар сақталуы тиіс екендігі қоса жазылған.

Бастысы, сақтандырылған қазақстандықтар үшін бұл қызмет түрлері тегін.

## ЛОНДОНҒА ЖЕТІ РЕТ ҰШАДЫ

«Эйр Астана» әуекомпаниясы осы жылдың соңына дейін Лондонға орындалатын рейстер санын аптасына 7 рейске дейін арттыруды жоспарлап отыр.

Қазақстан Азаматтық авиация комитеті мен Ұлыбритания көлік департаменті арасындағы келіссөздердің нәтижесінде екі ел арасындағы құқықтық база нығайтылып, Қазақстан мен Ұлыбритания арасындағы рұқсат етілген рейстер саны артты.

Атап айтқанда, Астана қаласы мен Ұлыбританиядағы кез келген пункт арасында аптасына 7 ретке дейін; Алматы қаласы мен Ұлыбританиядағы кез келген пункт арасында аптасына 7 ретке дейін; Қазақстанда енгізілген «ашық аспан» режиміне сәйкес ауа еркіндігінің 5 дәрежесін қоса алғанда, тұрақты емес негізде аптасына 7 жүк рейсіне дейін рейстерді іске қосу ұйғарылды. Рейстерді «Эйр Астана» әуекомпаниясы орындайтын болады.



## ШЕТКІ АЙМАҚСЫЗ ШАҒАР

Жыл өткен сайын сәулеті мен дәулеті өркендей түскен елорданың тұрғындар саны ғана емес, жер ауқымы да кеңейе түскен. Астана іргесіндегі бірқатар ауылдар бүгінде бас қаланың құрамындағы тұрғындар алабына айналды. Бұл ретте елорда әкімдігі қаланың шеткі аудандарын дамыту бойынша жүйелі бағдарлама негізінде жұмыс атқарып келеді. Демек, бас қалада орталық аймақ немесе шеткі аймақ деген ұғым жоқ.

## ҚАЙ ЖЕРДЕ СУҒА ТҮСЕМІЗ?

Биыл Астанада суға шомылу маусымы 1 маусымда ашылады. Елордада суға түсуге арналған 4 орын белгіленді.

Елордалықтар Орталық жағажайда, «Три пескаря» демалыс аймағында, «Астаналық аула» және Ш.Бейсекова көшесіндегі көпір маңындағы коммуналдық жағажайда суға түсе алады.

«Елордалық ТЖД шомылу маусымының ашылуына дайындықты белсенді жүргізуде. Астана қаласының әкімдігі шомылу маусымы кезеңінде азаматтардың қауіпсіздігін қамтамасыз ету мақсатында арнайы іс-шаралар жоспарын әзірлеп, бекітті.

Аудан әкімдіктерімен бірлесіп су айдындарында 10-нан астам ақпараттық стенд және шомылуға тыйым салынған жерлерде 100 тыйым салу қауіпсіздік белгісі орнатылды» деді Астана ТЖД Азаматтық қорғаныс басқармасының бастығы Азамат Құсайынов.

Шомылу кезеңінде күнделікті патрульдеуге 50 сүңгуір құтқарушы, 15 бірлік сүңгуірлік жарақтары бар жедел-құтқару техникасы, 6 бірлік жүзу құралдары жұмыс істейтін болады.



## КЕДЕЙЛІК ШЕГІ ӨЗГЕРЕДІ

ҚР Еңбек және халықты әлеуметтік қорғау министрлігі 2023 жылғы 19 мамырдағы «Кедейлік шегінің мөлшерін анықтау туралы» бұйрықты бекітті.

2023 жылғы 1 шілдеден бастап кедейлік шегі мемлекеттік атаулы әлеуметтік көмек алуға өтініш берген тоқсанның алдындағы тоқсан үшін есептелген ең төменгі күнкөріс деңгейінің 70 пайызын құрайды. 2023 жылдың 1 қаңтарынан бастап күнкөріс минимумы 40 567 теңге белгіленді. Тиісінше, кедейлік шегі 28 397 теңгеге тең болады.

Ал 2025 жылдың 1 қаңтарынан бастап кедейлік шегі мемлекеттік атаулы әлеуметтік көмек алуға өтініш берген тоқсанның алдындағы тоқсан үшін есептелген орташа табыстың 50 пайызы мөлшерінде айқындалатын болады.

Бұйрық 2023 жылдың 1 шілдесінен бастап күшіне енеді.

№62 (4495) 27/05/2023 Сенбі

## Қасым-Жомарт ТОҚАЕВ: «ТӨРТ ЕРКІНДІК» ҚАҒИДАТТАРЫ МҮЛТКІСІЗ САҚТАЛУЫ КЕРЕК

Президент Қасым-Жомарт Тоқаев «Көпполярлы әлемдегі еуразиялық интеграция» атты II Еуразиялық экономикалық форумның пленарлық отырысына қатысты. Жиын сұрақ-жауап форматында өтті. Модератор Александр Шохин Мемлекет басшысына Еуразиялық экономикалық одақтың 2025 жылға дейінгі қабылданған стратегиясында өзара инфрақұрылым байланысы, «Солтүстік – Оңтүстік» және «Батыс – Шығыс» дәліздері және үшінші елдермен арадағы қатынастар секілді перспективті бағыттар қамтылған ба деген сұрақ қойды. Президент өз сөзінде форумға қатысушыларға ілтипат білдіре отырып, жиынға шақырғаны және іс-шараны жоғары деңгейде ұйымдастырғаны үшін Ресей тарапына және Владимир Путинге ризашылығын білдірді.

Мемлекет басшысы 2020 жылы Еуразиялық экономикалық интеграцияны дамытудың 2025 жылға дейінгі стратегиялық бағыттары қабылданғанын атап өтті.

«Еуразиялық экономикалық одақтың географиялық аумағы орасан зор екенін ескерсек, өзара инфрақұрылым байланысын дамыту мәселесі аса маңызды басымдықтардың бірі болып қала береді. Бұл жерде біз бірден екі деңгейде: бірінші – ішкіодақтық, яғни одаққа мүше елдердің көлік және коммуникация салаларындағы интеграциясы бағытында, екінші – халықаралық, яғни көлік-логистика саласындағы халықаралық мәселелерді жүзеге асыру және үшінші елдермен ынтымақтастықты дамыту аясында жұмыс істейтінімізді айта кету керек. Жаһандық тауар ағынының мейлінше

Қытай – ең ірі жүк жөнелтуші әрі ең ірі тұтынушы ел» деді Қасым-Жомарт Тоқаев.

Мемлекет басшысы форум қатысушыларына өткен аптада ҚХР-ға мемлекеттік сапармен барғанын, сапар аясында Сиань қаласындағы құрғақ портта Қазақстанның логистикалық орталығының іргетасын қалағанын жеткізді. Президент бұл порт Орталық Азияға, Еуропаға, Түркияға және Иранға тікелей контейнер пойыздарын жөнелтетін негізгі хабқа айналатынына сенімді. Сонымен қатар Бақты – Ангөз учаскесінде теміржол байланысын іске қосу және ҚХР бағытында бөлек шекара өткелін салу жоспарланып отыр. «Біз Ресеймен нәтижелі ынтымақтастық құруға ниеттіміз. Себебі бұл жоба тек Қазақстаннан ғана емес, Батыс Сібірден де ҚХР-ға тауар жеткізу мерзімі



дамытудың жаңа басымдықтарын анықтау қажеттігіне назар аударды. «Кез келген істі қолға алғанда әрдайым қазіргі проблемаларды ғана шешіп қоймай, келешектегі жұмысты да жоспарлау керек екені сөзсіз. Сондай-ақ айналадағы жағдайдың өзгеруіне байсалды қарау керек. Мұның бәрінің берік негізі болуға тиіс. Іргетасы неғұрлым мығым болса, соғұрлым мықты әрі ұзаққа төзімді ғимарат салуға болады. Ал біздің Одақтың іргетасы не? Одақ туралы келісімді толыққанды жүзеге асыру негізгі мәселе және солай бола береді. Қазақстан 2015 жылғы Шарттың негізінде дәл осы интеграцияны қолдайтынын тағы да атап өткім келеді. Яғни, «төрт еркіндік» және инфрақұрылымға тең дәрежеде қолжетімділік, әділ бәсеке, тең құқық және ұлттық мүддені ескеру секілді негізгі қағидалар мұлтіксіз сақталуы керек. Бұл – біздің ортақ ісіміздің негізгі қағидалары. Қазақстан дәл осы қағи-

тұрғысынан қарастыру керек, – деді Қасым-Жомарт Тоқаев.

Мемлекет басшысының айтуынша, Қазақстан ТМД, ҰҚШҰ аясында, сондай-ақ екіжақты ынтымақтастық шеңберінде жақын серіктестерімен әлеуметтік, мәдени, гуманитарлық ынтымақтастықты дамытуға дайын. Форматтарды араластыру бастапқы мақсаттан ауытқып, ресурстарды зая кетіруге әкеп соқтыруы мүмкін. «Сонымен қатар тағы бір шетін мәселе бар. Басқаша айтқанда, концептуалды шындық немесе біз ескеруге тиіс ерекшелік. Бұл – Еуразиялық экономикалық одақ аясындағы Беларусь пен Ресей мемлекеттерінің одағы. Бұл одақтың тұжырымдамалық және идеологиялық негізі өте салмақты. Беларусь пен орыс халықтарының тарихының ортақтығын, тіліндегі, мәдениетіндегі, дініндегі бірегейлікті өзара мойындау, яғни бір халық – бір мемлекет екенін мойындау. Демек ЕАЭО-да Одақтас мемлекет бар. Әлемдік саясат тарихында ерекше прецедент немесе құбылыс пайда болды – саяси, құқықтық, әскери, экономикалық, валюталық, мәдени, гуманитарлық кеңістіктері ортақ, одақтас үкіметі мен парламенті бар «екі ел, бір мемлекет» формуласы бойынша мемлекет құрылды. Тіпті қазір ядролық қару да екеуіне ортақ. Сондай-ақ Қазақстан, Қырғызстан және Армения қатысқан интеграцияның тағы бір деңгейі бар. Біз бұл шындықпен санасуымыз керек. Мұндай жағдайда қалай жұмыс істейміз? Бұл – концептуалды мәселе. Осы экономикалық форумда аталған мәселені талқылауымыз керек деп санаймын» деді Мемлекет басшысы.

Президент сөзінің соңында келесі жылы Одақтың құрылғанына 10 жыл толатынын және ЕАЭО-ның мерейтойлық саммитін ұйымдастыру жоспарланып отырғанын жеткізді. Әрине, біздің интеграциялық бірлестігіміздің онжылдығы – бұл тиісті деңгейде атап өтуді қажет ететін маңызды кезең. Астанада мерейтойлық жиын өткізудің символдық мәні бар. Өйткені ЕАЭО-ны құру туралы шартқа Қазақстан астанасында қол қойылды» деді Президент.

Жиын қорытындысы бойынша бірқатар құжат қабылданды. Сонымен қатар форумда Ресей Президенті Владимир Путин, Беларусь Президенті Александр Лукашенко, Қырғызстан Президенті Садыр Жапаров, Армения вице-премьері Мгер Григорян және Еуразиялық экономикалық комиссия алқасының төрағасы Михаил Мясникович сөз сөйледі. Сондай-ақ ҚХР Төрағасы Си Цзиньпиннің бейнеүндеуі көрсетілді.

**Руслан ЖЕЛДІБАЙ,**  
Президент Әкімшілігі  
басшысының  
орынбасары -  
Президенттің  
баспасөз хатшысы:

### ИНТЕГРАЦИЯ ЭКОНОМИКАЛЫҚ СИПАТТА ҒАНА ЖҮРЕДІ



– Президент жиын барысында бүгінде сарапшылар қауымдастығы кеңінен талқылап жатқан бірқатар мәлідеме жасады. ЕАЭО аясындағы интеграция тек қана экономикалық сипатта ғана жүруі керек. Бұл – Президенттің негізгі ұстанымы. Оның шеңберінен шығу ұйымның жарғылық құжаттарының мақсаттарына, принциптері мен міндеттеріне қайшы келеді. Президент атап өткендей, экономикалық интеграция – бұл түпкі мақсат емес, ол экономиканы дамытудың және халықтарымыздың әл-ауқатын арттырудың негізгі құралдарының бірі. Яғни, ұйым аясында қабылданатын кез келген шешім оның әрбір мүшесіне және, ең алдымен, олардың азаматтарына пайдасын тигізіуі тиіс. Бүгінде ЕАЭО-ның екі мүшесі – Ресей мен Беларусь өзара ықпалдастықтың жоғары деңгейіне шықты. Бұл – ерекше прецедент. Мемлекет басшысының пайымынша, шын мәнінде, бір халық және бір мемлекет туралы сөз болып отыр. Осы ретте мүлде басқа мақсаттарды көздеген екі түрлі интеграциялық жоба шеңберіндегі бастамалардың аражігін ажырату аса маңызды. Біздің елімізге келетін болсақ, Қазақстан қандай да бір одақтас мемлекеттер құруға немесе олардың құрамына кіруге ниетті емес және оны жоспарлап отырған жоқ.



жылдам өзгеріске ұшырап жатқанын ескерсек, қазір жан-жағмызды жіті бақылап, бүкіл аймақта барынша тренд қалыптастыру өте маңызды.

Қазір көлік логистикасы халықаралық ынтымақтастыққа алға шықты. Шын мәнінде, халықаралық нарықта көлік бағдарларына, логистикаға және басқа да салаларға иелік ету үшін күрес жүріп жатыр. Бұл – барлық мемлекет үшін пайдалы бизнес. Еуразиялық экономикалық одақ осы бағытта маңызды рөл атқаруға тиіс деп ойлаймын. Одақтың ең басты саяси және экономикалық серіктесі – Қытай Халық Республикасымен тиімді қарым-қатынас жасаудың маңызы зор.

мен қашықтығын едәуір қысқартады. Тағы бір маңызды мәселе. Физикалық инфрақұрылымды дамытудан бөлек, «жұмсақ» инфрақұрылымды қалыптастыруға баса мән беру қажет. Яғни, цифрландыру, кедендік әкімшілендіру ісін оңтайландыру және әкімшілік жүктемесін азайту. Жалпы, қазір біз Еуразияда бұрын-соңды болмаған жаңа көлік құрылымын қалыптастырып жатырмыз десек, артық айтқандық емес. Бұл іске тыңғылықты әзірлікпен әрі жұмыла кіріссек, біршама экономикалық және саяси пайдаға кенелеміз» деді Мемлекет басшысы.

Сонымен қатар Президент Одақты

даттарды ілгерілетеді» деді Президент.

Экономикалық интеграция түпкі мақсат емес. Бұл тек ұйымға мүше мемлекеттердің экономикасын дамытудың және халықтарының әл-ауқатын жақсартудың бір құралы екенін түсіну маңызды. Сондықтан экономикалық интеграцияның жетістігі стратегиялар, келісімдер және шешімдердің санымен емес, керісінше, жаңа өндірістер, технологиялар және жұмыс орындарымен бағаланады. Біз үшін ЕАЭО аясындағы интеграция, ең алдымен, экономикалық сипатқа ие. Әрине, стратегияда айтылған кез келген басқа саланың маңызы бар. Бірақ оларды экономика

## ЖОЛ КАРТАСЫ БЕКІТІЛДІ

Атамат партиясы Астана қалалық филиалында саяси кеңес бюросының отырысында 2023-2027 жылдарға арналған сайлауалды бағдарламаның жол картасы бекітілді. Бұл туралы Астана қаласы мәслихатының төрағасы Ерлан Каналимов өзінің әлеуметтік желідегі парақшасында жазды.

«Астана қаласының сайлауалды бағдарламасын іске асыру үшін Жол картасымен елорданы дамытудың 4 басым бағыты бойынша 127 іс-шара бекітілді. Жол картасына енгізілген іс-шаралар сайлау кезеңінде жиналған жергілікті

тұрғындардың ұсыныстары мен өтініштерінен тұрады. Жол картасының басым бағыттарының бірі – бизнес субъектілерін қолдау арқылы халықтың табысын арттыру. Әрбір 10 мың тұрғынға кемінде 100 жаңа жұмыс орны мен 50 мектеп

салынады. Сондай-ақ жыл сайын жастарға 500 пәтер сатып алынып, спорт алаңдары мен 15 аула клубы ашылады. Бұл ретте жол картасының әрбір тармағы қалалық мәслихаттағы фракция мүшелеріне бекітілді» деп түсіндірді Е.Каналимов.















# АЛТЫНШАШТЫҢ ОРЫНДАЛҒАН АРМАНЫ

Бейбітшілік және келісім сарайында Еркеғали Рахмадиев атындағы Мемлекеттік академиялық филармонияның әншісі, республикалық және халықаралық байқаулардың лауреаты Алтыншаш Мұқатаеваның «Самға алға» мотивациялық шығармашылық кеші өтті. Мәдениет және спорт министрлігі мен Астана қаласы әкімдігінің қолдауымен өткен кешке Премьер-министрдің орынбасары Алтай Көлгінов, Мәдениет және спорт министрі Асхат Оралов, елорда әкімінің орынбасары Ерлан Бекмырзаев қатысып, ізгі тілегін жеткізді.

Ақиық ақын Мұқағали Мақатаевша айтсақ, арулар елі – Аягөз қаласында дүниеге келген Алтыншаш тағдырдың түрлі сынағына сынбай, қиындықтарға еш мойымай, өнерден қуат алып, өрлей түсуде. Рухи мықты, жігері күшті, өмірге ғашық адам. Бала кезінен белгілі әнші болуды армандады. Сол арманына жету мақсатында 2009 жылы отбасымен Астанаға қоныс аударды. Осында Қазақ технология және бизнес университеті колледжінде, Қазақ

гуманитарлық-заң университетінде оқып, бірнеше мамандықты игерді. Алайда әнші болу арманынан айнымай, әрі қарай Қазақ ұлттық өнер университетіне түсіп, белгілі әнші-ұстаздар Сембек Жұмағали мен Майра Дәулетбақтан тәлім алып, өнерін шыңдады. Оның өнерге қанат қағып, үлкен сахнаға алғаш шығуына «Қарақат» мектеп-студиясы, Қыдырәлі Болманов пен Қарақат Әбілдина жол ашты.

Қазір өнерде қолдаушы әріптестері өте көп. Солардың біразы

Алтыншаштың алғашқы үлкен шығармашылық кешіне қатысып, сахнадан ән салып, кеш иесіне қолдау көрсетті. Атап айтқанда, Қазақстанның еңбек сіңірген қайраткерлері Қанат және Светлана Айтбаевтар, Алтынай Жорбаева, Ардақ Балажанова, сондай-ақ, Ибрагим Ескендір, Зарина Омарова, Аука, Астана қаласы «Жастар» театрының әртістері, «Алем» өнер орталығы, Астаналық цирк әртістері атсалысты.

Алтыншаш Мұқатаеваның өзі Ахмет Жұбанов, Кеңес Дүйсекеев, Төлеген Мұхамеджанов, Болат Қошаманов, Ахмедияр Есмұханов, Марат Омаров сынды белгілі композиторлардың, қазіргі сазгерлердің өндерін шырақтайды.

«Мен шығармашылық ән кешімді қайда өткіземін деп көп ойланым, мың толғандым. Ақыры таңдауым Бейбітшілік және келісім сарайына түсті. Мұның өзіндік сыры бар. Қазіргі жағдайда, дүние дүрліккен шақта, бізге бейбітшілік ауадай қажет. Ал Астана маған шабыт берді. Ой-өрісімді кеңейтті. Мен бас қалаға ғашықпын. Үлкен сахнада жеке шығармашылық кешім өткізу – әрбір өресі биік өнерпаздың асқақ арманы. Бүгін – менің сонау балалық арманым орындалған күн» дейді Алтыншаш Мұқатаева.

Бетті дайындаған Аманғали ҚАЛЖАНОВ

# БИ ТЕАТРЫНЫҢ ТЫНЫСЫ

Астана қаласының коммуникациялар қызметі алаңында «Наз» мемлекеттік би театрының қызметімен осы өнер ошағының директоры Еркебұлан Ағымбаев таныстырды.



Оның айтуынша, осы жыл басынан бері би театры 24 іс-шара өткізіп, жиырма мыңға жуық көрермен өнерін тамашалады. Театр әртістері өз-Наурыз, Қазақстан халқының бірлігі күні, Отан қорғаушылар күні, Жеңіс күні сынды мерекелерге орай

ұйымдастырылған концерттерге қатысты. Бұған қоса, театр «Шарапат» әлеуметтік қызмет көрсету орталығы, «Демеу» әлеуметтендіру орталығы сынды мекемелердің қайырымдылық шараларына үнемі қатысып тұрады.

Соңғы жылдары өнер ошағы Болгарияда өткен VITOSHNA 2020 – Web Edition халықаралық фольклорлық фестиваліне қатысып, «Арнайы режиссер сыйлығымен» марапатталып, ұлттық мәдениеттің дамуына үлес қосқаны үшін «Nauruz-2021» тұңғыш ұлттық премиясының иегері атанды. Былтыр республикалық «Қамажай» I хореографтар байқауында Ұлан Изенаев бас жүлдені иемденді. Бұл конкурсқа талантты хореограф Абай Құнанбайұлының шығармасы желісімен қойылған «Әзім әңгімесі» хореографиялық спектаклі ұсынды. Ал биыл өткен Шара Жиенқұлова атындағы VI республикалық қазақ биі байқауында балет әртісі Омар Мұхамметалиев жүлделі III орынға ие болды.

Театр ұжымы 2021 жылдың қыркүйек айынан 2022 жылдың сәуір айына дейінгі Дубай қаласында өткен «EXPO-2020» халықаралық көрмесінде өнер көрсетті. Қазақстан павильонында театрдың балет әртістері 6 ай бойы қазақ биінің мәртебесін арттырды. Сол уақыт ішінде 100-ге жуық концерт беріп, 20 мыңға жуық көрерменді қамтыды. Былтыр қазан айында театрдың балет әртістері Түркияның Изник қаласында өткен «IV әлемдік көшпенділер ойынына» қатысты. Сол уақытта Гүлнәр Сүттібаева, Әлия Абылқасымова сынды балет әртістері Марокко Корольдігінің астанасы Рабат қаласында Қазақстан Республикасының Республика күніне орай өткізілген концертте өнер көрсетіп келді.

# ӘЙГІЛІ ӘНШІНІҢ «ЕЛГЕ ТАҒЗЫМЫ»

4 маусым күні Еркеғали Рахмадиев атындағы Мемлекеттік академиялық филармония сахнасында Қазақстан мен Татарстанның Халық әртісі, Мемлекеттік сыйлықтың лауреаты Нұржамал Үсенбаеваның шығармашылық кеші өтеді. «Еліме тағзым» концерті Қазақстан Республикасының Мемлекеттік рәміздер күніне арналады.

Кеште Нұржамал Үсенбаева өзінің ауқымды және алуан түрлі репертуарынан ең үздік шығармаларын орындайды. Концерт Татарстанның Халық әртісі, Қазақстанның еңбек сіңірген қайраткері, Құрманғазы атындағы Ұлттық консерваторияның құрметті профессоры, шақырылған маэстро Ренат Салаватовтың жетекшілігімен, филармонияның симфониялық оркестрінің сүйемелдеуімен

өнер одағының көркемдік және мәдени қызмет саласындағы ең жоғары марапаты – «Алтын Еуропа» (Golden Euroopa) иегері Филип Банджак болмақ. Нұржамал Үсенбаевамен бірге ол Р.Леонкаваллоның «Паялы» операсынан ария орындайды.

Тағы бір дуэт – Өзбекстан мемлекеттік консерваториясы музыкалық театрының солисі, Өзбекстан, Қарақал-



өтеді. Кештің көркін халықаралық байқаулардың лауреаты, елорда филармониясының камералық хоры (көркемдік жетекшісі – Қазақстанның еңбек сіңірген қайраткері, профессор Гүлмира Құттыбадамова) көркейте түспек. Примамен бірге сахнаға отандық және әлемдік опера жұлдыздары шығады.

Концертті қазақ опера өнерінің алтын қорына енген Нұржамал Үсенбаеваның орындауындағы Мұқан Төлебаевтың «Бақыт вальсі», А.Жұбанов пен Л.Хамидидің «Абай» операсынан Ажар ариясы ашады. М.Төлебаевтың «Біржан мен Сара» операсынан әйгілі «Айтысты» әнші концерттің арнайы қонағы, Қазақстанның еңбек сіңірген қайраткері Медет Шотабаевпен дуэте шырақтайды.

Бағдарламаның тағы бір жұлдызды қонағы чех опера

пақстан және Башқұртстан Республикаларының Халық әртісі Жеңісбек Пиязовпен бірге Т.Мұхамеджановтың «Мен сенімен кездестім» шығармасы орындалады.

Нұржамал Үсенбаева мен оның бенефисінің қонақтары көрермендерге вокалдык өнердің басқа да асыл маржандарын – Дж.Россинидің «Сеویل шаштаразы» операсынан Фигаро ариясы, Бернард Херрманнның «Citizen Kane» операсынан Саламбо ариясы, Дж.Пуччинидің «Турандот» операсынан Калафа ариясы, В.Херберттің «The Enchantress», Мануэль Понсениң операсынан әйгілі «Айтысты» әнші концерттің арнайы қонағы, Қазақстанның еңбек сіңірген қайраткері Медет Шотабаевпен дуэте шырақтайды.

Бағдарламаның тағы бір жұлдызды қонағы чех опера

ELORDA АҚПАРАТ logo and contact information for the communication department.

Contact information for the editorial board, including names and phone numbers.

Subscription and distribution information for the newspaper 'Astana Akshamy'.

Contact information for the editorial office and advertising, including address and phone numbers.